



“BASES DA XXXIV EDICIÓN DO CERTAME DE PINTURA CONCELLO DE CAMBRE”

1. OBXECTO

O Concello de Cambre convoca o TRIXÉSIMO CUARTO CERTAME DE PINTURA CONCELLO DE CAMBRE dotado cun premio de 6.000,00 euros e dous accésits. Esta cantidade estará suxeita ás retencións legais que lle sexan aplicables.

2. PARTICIPANTES

Poderán concorrer artistas de calquera nacionalidade residentes en España cun máximo de dúas obras. Achegarán unha fotocopia do DNI ou documentación que o acredite como residente, breve currículo do autor ou autora, unha foto a cor de cada obra presentada e a ficha de participación debidamente cuberta.

Non poderá acceder ao premio aquel artista que xa fose galardoado con esta distinción nalgunha das dez edicións anteriores.

Toda a información sobre o Certame e especialmente os prazos estará dispoñible e actualizada na páxina web municipal, www.cambre.org

3. OBRAS.

A presentación da obra implicará a presunción da súa autoría. No dorso de cada obra deberá figurar o título, un seudónimo e o ano da súa realización.

As dimensións deberán estar entre 150 cm de máximo e 90 cm de mínimo. As obras que se presenten deberán ser únicas, orixinais e non premiadas noutros certames. Admitirase calquera tipo de material que soporte o transporte e a manipulación sen perigo para a integridade da propia obra, excepto vidro, sendo o tema e técnica libres. As obras estarán sen enmarcar ou enmarcadas cun listón.

4. CONVOCATORIA

Unha vez publicadas as Bases do Certame o alcalde, ou concelleiro delegado, competente acordará convocar a XXXIV edición do Certame de Pintura.

De dita convocatoria se dará traslado á Base de Datos Nacional de Subvencións (BDNS) para a súa publicación no Boletín Oficial da Provincia, tal e como dispón o artigo 20 da lei xeral de subvencións.

5. PRAZO E LUGAR DE RECEPCIÓN.

O prazo de presentación será de un mes a partir da publicación na Base de Datos Nacional de Subvencións (BDNS) do extracto da convocatoria do cal se dará publicidade na paxina web municipal.

As obras a concurso remitiranse á Casa da Cultura “Vila Concepción”, Praza Vila Concepción, nº 1, O Temple 15679 Cambre (A Coruña), en horario de 10:00 a 13:30 horas, de luns a sábado. O último día da recepción terán que estar presentadas fisicamente nesta sede. Non se admitirá a presentación das obras fóra deste prazo e horario.

Máis información no teléfono: 981 613 193 (Concellería de Cultura, Deportes e Mobilidade)



Correo electrónico: areacultura@cambre.org

6. XURADO.

Estará constituído por tres compoñentes, todos eles artistas ou profesionais da arte que contén cunha traxectoria constatable nos seus respectivos campos. O concelleiro da Área de Cultura, Deportes e Mobilidade ou a persoa en quen delegue, con voz pero sen voto, presidirá o xurado, actuando como secretario un funcionario do departamento de cultura, que redactará a Acta do xurado.

Seleccionará, de acordo coas dimensións da sala de exposicións, un número de obras que destaquen polo seu valor artístico, orixinalidade e que respondan ás tendencias artísticas actuais, de entre o conxunto de obras presentadas. Propondrá a adxudicación do premio a obra que mellor reflexe estes criterios e poderá propor dúas máis como primeiro e segundo accésits. O xurado resérvase o dereito a declarar o premio deserto e o seu veredicto é inapelable.

7. A EXPOSICIÓN

Na Sala de exposicións da Casa da Cultura terá lugar anticipadamente a exposición das obras seleccionadas, indicándose unicamente na tarxeta identificativa de cada obra, o título e a técnica utilizada.

A inauguración da exposición e a entrega do premio realizarase en acto público e darase a coñecer a través da páxina web municipal e os medios de comunicación habituais.

A/o premiada/o terá a obriga de asistir ao acto de inauguración. O custo de desprazamento e aloxamento correrán por conta da organización. As/os seleccionadas/os para os accésit deberán asistir en persoa ou por medio de un representante.

A exposición estará aberta ao público durante un mes dende o día da inauguración no horario habitual da sala.

8. O CATÁLOGO DA EXPOSICIÓN

Realizarase un catálogo das obras seleccionadas. Os autores ceden ao Concello de Cambre os dereitos de reprodución da obra para a incorporación ao catálogo, á páxina web municipal e a calquera outro soporte dixital ou físico, en calquera momento, co único fin de promocionar e dar difusión a este certame.

9. A OBRA PREMIADA

A obra premiada pasará a formar parte do Patrimonio Cultural do Concello de Cambre.

As obras presentadas estarán aseguradas mentres permanezan nas dependencias municipais e nos prazos sinalados para a súa retirada, declinando a organización toda responsabilidade fóra destes e durante o seu transporte.

10. RETIRADA DAS OBRAS



As obras non seleccionadas poderán retirarse no mesmo lugar da entrega e no horario habitual, no prazo que se faga público na páxina web municipal. E igualmente as obras seleccionadas unha vez finalizada a exposición.

Transcorridos estes períodos, non terán dereito a ningunha reclamación e o Concello de Cambre disporá sobre o seu destino.

As obras recibidas mediante transporte de mercancías ou correos remitiranse aos seus autores polo servizo que eles mesmos determinen, previa comunicación á organización do certame, salvo que as retiren persoalmente ou por medio dunha persoa autorizada. Os gastos de transporte das obras correrán a cargo dos participantes. A embalaxe deberá ser reutilizable.

11. ACEPTACIÓN DAS BASES

O xurado e a organización do certame están facultados para tomar as decisións que consideren oportunas ante a aparición dalgún imprevisto non recollido expresamente nas presentes bases. A participación neste certame implica o coñecemento e a aceptación íntegra destas bases.

FICHA PERSOAL DE PARTICIPACIÓN

DATOS DO AUTOR/A

Nome e apelidos: NIF.:
Nome artístico/seudónimo: E-Mail:
Enderezo: Teléfono:
Localidade: CP : Provincia:

- fotocopia DNI ou documentación na que acredite a residencia
 currículo

DATOS DA OBRA 1

Título:
Técnica:
Medidas:
Ano:

- foto 1 a cor

DATOS DA OBRA 2

Título:
Técnica:
Medidas:
Ano:

- foto 2 a cor

Asinado.....

Os datos incluídos nesta ficha serán incorporados a un ficheiro manual e automatizado propiedade do Concello de Cambre. Segundo a lei orgánica 3/2018, de 5 de decembro, de protección de datos personais e garantía dos dereitos dixitais (BOE 6/12/2018), vostede poderá exercer o seu dereito de acceso, rectificación, cancelación e oposición por escrito ao Concello de Cambre - Área de Cultura, Rúa Río Barcés, 8, 15660 Cambre (A Coruña – España) ou á dirección de correo electrónico areacultura@cambre.org.